



LA "CINQ MULIN" REGINA DEL CROSS

*Certament, in Lombardia
ul cûr per camp e praa lè 'na passiu
specialment quant i fôj a croden via
lassand i piant biott, senza remission
al frecc a la nebbia e a la brina.*

*Questa passion, le sta ul principi
de sfidass a chi cureva pusse fort
da un post a l'olter, pien d'inghipi
e rivà al traguard, magar mezz mort
sultant per 'na medaja piscinina.*

*Milan, Cavaria, Cesan, Galarà e Cantaloo
hann fà di Cross, bei, ghè nient de di
vinviuu da Campiun, tanti mort e tanti ghin anmo
e fra da lur, anca se mudest, me metti anmi
che u curuu semper senza simpamima.*

*Tra i Cross classich, ghè quel de Vulpian
lè no un tremagg o de paiasc
lè anca bel ul Cross de Legnan
che sa cur, e lè 'l Campasc,
inturna a un Castell che 'l vâ in ruina.*

*Ma ul Cros pusse famus de tutti quanti
lè quel che sa cur a San Vitur
veggen a vedell puaritt e sciur in quanti
perché lè'n' spettacul de culur
su i riv d'Ulona e i praa d'Ulmina.*

*Pecaa che tucc i ann diventa un maa
urganisà stâ corsa gluriosa
per i gran ca che nass tra busch e praa
e creen guai a'sta gent laburiosa
vera stirpa de razza Meneghina.*

*Ma mi sunt cert che per tanti ann
se curarà anciamò la «Cinq Mulin»
superand traversii, scrupi e malann
e sa parlarà anmò oltra cunfin
che, finché gha sarà un praa e 'na stradina
la sarà Le di Cross la GRAN REGINA.*

Enea Silvio Bianchi
poeta dialettale brianzolo

In omaggio a Dirigenti e Atleti che hanno contribuito nel passato e nel presente e speriamo per lungo tempo a far sempre più grande e bella la CINQUE MULINI.